



गाउँपालिका, नगरपालिका तथा विशेष, संरक्षित वा स्वायत्त क्षेत्रया संख्या तथा सीमाना निर्धारण आयोगपाखें नं भंगल्हा:त 'जनजातिया अधिकार दइगु ज्या जक मयात'



अपुरो व अधुरो प्रतिवेदनयात कया जनजाति महासंघया कडा आपत्ति

ज्वजलपा वा:पौ /

बंगु छुं दिं न्ह्य:निसें संचारमाध्यमय् 'स्थानीय तह पुनसंरचना आयोग' प्रतिवेदन ल:ल्हात, देयुन्यंक याना ७९१ स्थानीय तहया प्रस्ताव, ४ गू महानगरपालिका, १२ गू उपमहानगरपालिका, २४१ नगरपालिका, ४६२ गू गाउँ पालिका जुइगु जुल, स्थानीय निकाययात अधिकार अप्वयेकल, आ: स्थानीय निकायया चुनाव जुइगु जुल ' धका: लागतार रुपं संचार माध्यमय् समाचार पिहां वयाच्वंगु दु । तसकं बयवय् यायेगु ज्या जुयाच्वंगु दु ।

प्रतिवेदन ल:ल्हायेवं विशेष याना स्थानीय निकायया चुनावय् ल्वाना थ:पिं वडा अध्यक्ष जुइगु, गाविसया अध्यक्ष जुइ धका: गुलिं गुलिं नेवा:त नं लयतायाच्वंगु अवश्य नं दइ ।

तर उगु आयोग, अयोगया नानिसें आयोगया ज्यायात कया दुग्यंक स्वल धा:सा नेपा:या आदिवासी जनजाति, मधेसीनिसें उत्पीडित समुदायायात अझ छक: बैस्वायेगु कथंया प्रतिवेदन ल:ल्हायेगु ज्या जूगु दु धका: थुइकेत बाध्य जुइ ।

संविधानय् खस आर्य धका: ब्रम्ह, क्षेत्री, दशनामी, सन्यासी धका: उल्लेख याका देय्या न्हापांगु तहया नागरिक जुइत सफल जूपिं लयताइगु स्वाभाविक हे ख: ।

तर त:भुखाय् ब्वया गन च्वने गन च्वने जुयाच्वंगु अवस्थाय् लाका प्रमुख राजनीतिक दलया प्रमुख नेतातय्गु योजनाबद्ध कथं जारी या:गु संविधानय् नेवा:, तामाङ, गुरुङ धका: संविधानय् उल्लेख याके मफया निगूगु तहया नागरिक जुइत बाध्य जूपिं धा:सा लयेतायेमा:गु अवस्था मदु वरु दु:ख तायेकेमा:गु नापं आक्रोशित जुइमा:गु अवस्था दु ।

खय् भाय्यात जक सरकारी कामकाजया भाय् धका: उल्लेख या:गुलिं आपत्ति प्वंका वयाच्वीपिं मातृभाषी प्रेमियसं धा:सा उगु प्रतिवेदनयात कया दुग्यंक बिचा: यायेमा:गु अवस्था दु । प्रतिवेदनयात कया अध्ययन यात धा:सा बांलाक हे खं थुइगु अवस्था अवश्य नं वइ ।

समाचार विश्लेषण

श्रीकृष्ण महर्जन

उकिं स्थानीय तहया पुनसंरचना आयोगं प्रतिवेदन ल:ल्हात धा:गु विषययात कया नेवा: नापं आदिवासी जनजाति, मधेसी व उत्पीडित समुदायया न्हयलुवा:त, पहिचान पक्षधरतय्सं तसकं बिचा: याना वनेमा:गु ई व:गु दु ।

बालानन्द पौडेलया नेतृत्वय् सरकार दयेकूगु आयोगया ज्या धइगु गाउँपालिका, नगरपालिका, विषेश क्षेत्र, संरक्षित क्षेत्र व स्वायत्त क्षेत्रया संख्या नापं सिमा निर्धारण यायेगु आयोग ख: । आयोगया नां हे 'गाउँपालिका, नगरपालिका तथा विशेष, संरक्षित वा स्वायत्त क्षेत्रको संख्या तथा सीमाना निर्धारण आयोग' धका: उल्लेख यानात:गु दु । दक्ले न्हापां उगु आयोगया नांयात हे भ्रमय् लाकेगु योजना कथं हे स्थानीय निकाय पुनसंरचना समिति धका: प्रचारप्रसारय् हल । विरोधया दथुइ नं समिति हथाय् चाया स्थानीय निकायया चुनाव यायेमा: धका: तायेका अधुरो व अपुरो प्रतिवेदनयात ल:ल्हाना हाकनं छक: नेपा:या आदिवासी जनजातितिसें उत्पीडित समुदाययात भंग:लायेगु ज्या या:गु दु ।

आयोगयात मूल रुपं न्यागू निकायया ल्या: व सिमा निर्धारण यायेगु भाला बियात:गु ख: । १) गाउँपालिका, २) नगरपालिका, ३) विशेष क्षेत्र, ४) संरक्षित क्षेत्र व ५) स्वायत्त क्षेत्र ख: । थ्व न्यागू निकाय मध्ये विशेष क्षेत्र, संरक्षित क्षेत्र स्वायत्त क्षेत्र धइगु नेपा:या आदिवासी जनजाति, उत्पीडित समुदाय नापं सिमान्तकृत समुदायया जनसंख्या व इमिगु थाय्यात ध्यानय तया इमित सभ्यतायात संरक्षण, सम्बर्द्धन व विकास यायेगु नाप नापं इमिगु म्हासीका विइगु कथंया व्यवस्थाया नितिं सीमा व संख्या तयार यायेगु ख: । आयोगं धा:सा उत्पीडित समुदायया नितिं दयेकेमा:गु छुं नं कथंया निकायया सिमानानिसें संख्या निर्धारण मया ।

इमिसं आ:या अवस्थाय् स्थानीय निकाय धका: गाउँपालिका नगरपालिकाया जक संख्या व सीमाना निर्धारण याना सरकारयात ल:ल्हा:गु दु । उकिया अर्थ आ: संरक्षित क्षेत्र, स्वायत्त क्षेत्रनिसें विशेष क्षेत्रया व्यवस्थायात तकं समाप्त यायेगु योजना कथं न्ह्य: बंगु अवस्था दु । निक्व:गु संविधानसभापाखें पहिचानया आधारय् स्वायत्त प्रदेशयात समाप्त याना न्हयगू प्रशासनिक केन्द्रया रुपय् नांया जक प्रदेश दयेकेगु ज्या या:गु दुसा आ: वया विशेष क्षेत्र, संरक्षित क्षेत्र व स्वायत्त क्षेत्र तकं समाप्त यायेगु डिजाइन कथं बंगु दु । थ:त बिउगु भालायात हे पुरा मयासे गुगु कथं बालानन्द पौडेलया नेतृत्वया आयोगं प्रतिवेदन ल:ल्हात व धइगु प्रतिवेदनया आधारय् हे आ: स्थानीय निकायया चुनाव यायेगु नितिं धका: धा:गु दु । व हे आयोगया प्रतिवेदनया आधारय् स्थानीय निकायया चुनावयात धा:सा आ: पहिचानया मुद्दा भन समाप्त जुइगु अवस्था वनी अले उत्पीडित समुदायया माग गुगु नं हालतय् सम्बोधन जुइगु अवस्था वइमखु थ्व छगू कथं संघीयता, पहिचानया विरोधी ज्या ख: धका: संघीय समाजवादी फोरम नेपालया सह अध्यक्ष ज्वजलपा वा:पौलिसे खं ल्हासें धयादीगु दु ।

उगु हे कथं नेपाल आदिवासी जनजाति महासंघया मूख्याञ्जे नित्यानन्द ताजपुरीयां आयोगया प्रतिवेदन अधुरो व अपुरो जूगुलिं थ:पिन्सं स्वीकार यायेफइगु अवस्था मदु धयादिल । वय्कलं आ: पहिचान सहितया नेवा: प्रदेश नापं आदिवासी जनजातिया माग कथं प्रदेश निर्माण यायेमा:गु, आइएलओ १६९, नापं अन्तर्राष्ट्रिय कानूनया आधारय् आदिवासी जनजातितय्गु हक अधिकार स्थापित यायेगु नितिं संघर्ष याना वनेगु जुइ धयादिल । ताजपुरीं छुं दिया दुने हे प्रधानमन्त्री पुष्पकल दाहालयात ज्ञापन पौ ल:ल्हायेगु नापं आन्दोलन ज्याभ्रव: घोषणा यायेगु जुइ धका: ख्याच्व: बियादीगु दु । थुगु सवालय् नेवा: न्हयलुवा:त नापं आदिवासी जनजातितय्सं इलय् हे बिचा: याना न्ह्या: वने मफत धा:सा अझ नं पहिचान पक्षधरत ल्यूने लाइगु निश्चित दु ।



ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

सम्पादकिय

संविधान संशोधनया सालय् निगू धार

संविधानसभापाखें संविधान जारी यायेगु भूवल्य संविधान धइगु गतिशिल खः अले संशोधन जुया हे च्वनी धका: प्रमुख दलया नेतातय्सं छप्: हे म्हुतं धायेगु यानादीगु खः। तर आ: वया संविधान संशोधनया प्रस्ताव धइगु थःपिनिगु अस्तीत्वया ल्वापु थें तायेका प्रमुख दलया नेतात न्ह्या: वनाच्वंगु अवस्था दु।

सरकारया नेतृत्व याना वयाच्वंगु माओवादी केन्द्र व कांग्रेस संविधान संशोधनया पक्षय् दनाच्वंगु दुसा गुगु नं हालतय् संविधान संशोधन याके विइगु जुइमखु धका: प्रमुख प्रतिपक्ष अडान कया च्वनाच्वंगु दु। जनतया स: तयेगु सार्वभौमसत्ता सम्पन्न संसदयात हे लगातार रुपं अवरुद्ध यानाच्वंगु अवस्था दु। थुगु कथं स्वल धा:सा लोकतन्त्रया तसकं वकालत याना वयाच्वंगु दलत हे संसदय् वयाच्वंगु प्रस्तावयात सामना मयासे अवरुद्ध यायेगु ज्या यानाच्वंगु दु।

संविधान संशोधनया प्रस्तावयात कया संविधान जारी या:गु दलया नेतातय्गु दथुइ हे गुगु कथं धुविकरण जुया वनाच्वंगु दु अले इमिसं थःथःगु अडान कयाच्वंगुयात स्वल धा:सा वरु संविधानप्रति असन्तुष्ट प्वंका वयाच्वंगु अले संविधानयात हे स्वीकार यायेमखु धका: अडान कया वयाच्वंगु संघीय गठबन्धनं संविधान संशोधनया प्रस्ताव परिमार्जन याना पारित यायेमा: धयाच्वंगु धइगु लोकतान्त्रिक प्रक्रियाय् न्ह्या: व:गु धायेछिं।

न्हूगु जनक्रान्ति यायेगुया विकल्प दइमखु



—राजेन्द्र श्रेष्ठ

संसारया इतिहासं सिद्ध यायेधुकूगु दु, संसदया सर्वोच्चता व संविधानया सर्वोच्चतासिबें जनताया सर्वोच्चता (Supremacy of People) सर्वाभौम जुइ। मुलुकया सार्वभौमसत्ता जनताय् हे निहित दु। उकिं आ:या प्रस्ताव यायेधुकूगु संविधान संशोधन प्रस्ताव परिमार्जन लिसें व्यवस्थापिका संसदय् दुतयंका: पारित यायेमा:। संविधानया संशोधन यायेबल्य् क्रान्तिया जनादेशयात पालना यायेमा:।

आ: नेपा:या संविधान कानूनी रुपं अस्तित्वय् व:सां नं भौतिक रुपं थुकिया संरचनात अस्तित्वय् व:गु म्हु। उकिं नेपा:या संविधानं संविधान संशोधनया सन्दर्भय् संविधान कथंया संरचनात अस्तित्वय् मव:गु इलय् संविधान संशोधनया नितिं संक्रमणकालीन व्यवस्था (Transitional System on Constitution Amendment) नं या:गु दु। संविधान संशोधनया सन्दर्भय्

नेकपा एमालेया नेता विष्णुबहादुर राउतं तर्क प्रदेशया सीमा हिलाबुला लगायतया विषयस संविधान संशोधनया विरुद्ध अन्तरिम आदेश जारी याये दयेमा धका: ब्यूगु निवेदनय् २०७३ पुस १८ गतेया सर्वोच्च अदालतं अन्तरिम आदेश बिइम्वा:गु निर्णय या:गु दु। थ्व निर्णय एमालेया राजनीतिक व कानूनी पराजयया न्हापांगु पला: खः।

आ:या संविधानय् निगू प्रावधानतय्गु व्यवस्था या:गु दु।

क. संविधान कथं स्वंगुलिं तहया निर्वाचन सम्पन्न जुया: भौतिक रुपं विधायिकी अधिकार प्राप्त संघीय संसद व प्रदेश सभा अस्तित्वय् वयेधुकूका: छ्यलाबुला जुइगु संविधानया धारा २७४ व ख. वर्तमान सरकार व संसद तर्क संक्रमणकालीन जूगु अवस्थाय् प्रदेशया अधिकार क्षेत्र नं संक्रमणकालीन व्यवस्था अनुरूप हे छ्यलाबुला जुइगु जूगुलिं संक्रमणकालय् कानून दयेकीगु संघीय संसद व प्रदेश सभाया अधिकार तर्क छ्यलाबुला यायेगु नितिं संविधानया धारा २९५ (१) व २९६। संविधानया भाग ३३ य् संक्रमणकालीन व्यवस्था अन्तर्गत धारा २९५ या उपधारा १ स

प्रदेशया सीमांकन सम्बन्धी विषयस सुभाष विइत नेपाल सरकारं छगू संघीय आयोग (Federal Commission) नीस्वने फइगु खँ न्ह्यथनात:गु दु। संक्रमणकालीन व्यवस्थाय् थुगु धारा न्ह्यथंगुया मू हुनि धयागु सीमांकन सम्बन्धी विवाद संविधान कार्यान्वयन जुइगुसिबें न्ह्य: हे क्वचायेकेगु नितिं खः। उकिं सीमांकन सम्बन्ध विवाद समाधान यायेगु अधिकार संविधानया धारा २९६ या उपधारा १ कथंया रुपान्तरित व्यवस्थापिका संसदय् ला:गु दु। धारा २७४ या अवव्याख्या याना: थुकियात पनेत स्व:सा देस अनिश्चितकालीन द्वन्द्वय् वनीगु निश्चित दु।

नेकपा एमालेया नेता विष्णुबहादुर राउतं तर्क प्रदेशया सीमा हिलाबुला लगायतया विषयस संविधान संशोधनया विरुद्ध अन्तरिम आदेश जारी याये दयेमा धका: ब्यूगु निवेदनय् २०७३ पुस १८ गतेया सर्वोच्च अदालतं अन्तरिम आदेश बिइम्वा:गु निर्णय या:गु दु। थ्व निर्णय एमालेया राजनीतिक व कानूनी पराजयया न्हापांगु पला: खः।

आ: एमालेयाके संविधान संशोधन विरुद्ध संसद अवरोध यायेगु नैतिक अधिकार समाप्त जूगु दु। सर्वोच्च अदालतया उगु निर्णयस संविधानया धारा २७४, २९५ व २९६ स्वंगुलिं धारात कोट जूगु दु। छु अवस्थाय् छु धारा छ्यलेगु धैगु खँ संसदीय व्यवस्थाय् संसदया सर्वोच्चताया नीति अनुरूप वर्तमान व्यवस्थापिका संसदय् हे निहित दु धैगु खँ अदालतं स्पष्ट या:गु दु। उकिं आ:या संक्रमणकालीन अवस्थाय् संविधानया धारा २९५ व २९६ या आधारय् संविधान संशोधन यायेमा:। यदि संविधान संशोधनया प्रक्रियापाखें संविधान कार्यान्वयन यायेगु थ्व अवसर गुमेया:सा वधुंका: संविधानया धारा २७४ जक मखु, थ्व संविधान हे खारेजीया नितिं न्हूगु जनक्रान्ति यायेगुया विकल्प दइमखु।

सरकारं चाहे जूसा एमालेया आत्मसन्तुष्टिया नितिं प्रधानमन्त्रीया निर्वाचनया इलय् 'बाधा अडकाउ फुकाउ' याना: पुष्पकमल दाहाल प्रचण्डयात प्रधानमन्त्रीइ निर्वाचन या:थें हे आ:या राजनीतिक गतिरोधपाखें देसयात निकास विइत संविधानया धारा ३०५ कथं 'बाधा अडकाउ फुकाउ' याना: नं देसयात अनिश्चितकालीन द्वन्द्वपाखें वचेयायेगु लँपु नं दु।

सरकारं चाहे जूसा एमालेया आत्मसन्तुष्टिया नितिं प्रधानमन्त्रीया निर्वाचनया इलय् 'बाधा अडकाउ फुकाउ' याना: पुष्पकमल दाहाल प्रचण्डयात प्रधानमन्त्रीइ निर्वाचन या:थें हे आ:या राजनीतिक गतिरोधपाखें देसयात निकास विइत संविधानया धारा ३०५ कथं 'बाधा अडकाउ फुकाउ' याना: नं देसयात अनिश्चितकालीन द्वन्द्वपाखें वचेयायेगु लँपु नं दु।

गजल शौरभ शाक्यया

गजल-१४



सत्ताया चलखेलय् लायेवं छु जुइ देश सुं वया लाका कायेवं छु जुइ। सामाज्याया ईलय् न: न्या न्यां वा वल बूँड, बूँड न्यंक प्वं वा गायेवं जु जुइ। जात, जाति, धर्मया बैमनष्यतां छु जुइ ताखय् लाका भीत सल्हं फायेवं छु जुइ। राजनिति दलिय कासा यानाच्वन सुं वया हानं यकति यायेवं छु जुइ। या:याथें याका गुलि सहयाइ जनतां मभिंया बिरोधय् जनता जायेवं छु जुइ।

टुलु टुलुँ स्वया च्वनेगु जुई

महगसय् खंगु महल न्ह्योलें चायवें मदया वनी नेता तय मन स्यन: की देय् पक्का स्यना वनी

जगतय् दुगु गरिव राष्ट्र मध्य नेपा नँ छगु गरिव राष्ट्र जुल नेपा यात गरिव शब्द मुक्त यात फुक्क दलया नेतात मिले मजुसे हे मगा

नेपा माँ नँ पुना तगु वस तक नँ भ्वाथ: जुया गुना वल लाज त्वपुई त थाकुई धुँकल अयनँ न्ह्योलें मचापिं कपुतत

चिनाखँ

बाज्या बराजुपिस जगेर्ना याना थकुगु नेपा माँया लाग्ना तक नँ वचय् याय् मफुपिं हुती हारात

इमिसँ हे थ्व नेपा दे: यात सिंगापुर स्विट्जरल्याण्ड दयके धका बर्क फुसुलु गफ त्वता नेपा या मचातयत चाकु सवा फेयका च्वन

नेपाया जला खला जुया च्वाँप कौरव थें च्वाँपन्सं द्रौपदीयात थें इज्जत लुटे यासाँ टुलु टुलुँ मखा स्वया च्वनिगु जुई



कवि राम महर्जन

की.न.पा. १६, नगाउँ

पुस २० गतेया स्वनिगः बन्द किपुली पूर्णरुपं सफल



ज्वजलपा वा:पौ/

काठमाडौं उपत्यका सडक विस्तार पिडित संघर्ष समिति वंगु पौष २० गते बुधवा: स्वनिगः बन्दया आह्वान या:गु खः । उगु दिनय् गनं लँ दथुइ टायर च्याकूगु खने मदु । गनं मोटर तोडफोड या:गु बुखँ मवः । मोटरसाईकल च्याकूगु नं खँ मवः । अयसां सार्वजनिक सवारी साधन चलय् मजू । गनं पसः चा:गु खनेमदु ।

उगु दिनय् प्रशासनं थातुं थासय् व्यापक रुपं प्रहरी परिचालन या:गु खनेदु । सतकय् निम्ह प्यम्ह मनू मुंके मव्यू । गनं मुनाच्वंगु खनकि जवर्जस्तिं ज्वना यंका: च्वंगु खनेदु । स्वनिगः न्यंक याना: सच्छिह्रं मयाक मनूत ज्वनां यंकूगु दु ।

आन्दोलनकारीतसें छुं हे प्रतिकार मया:सैं थ:पिन्सं गिरफ्तारी विल । गुलि गुलि आन्दोलनकारीत ज्वना यंकल जनता स्वतःस्फुर्त रुपं सतकय् कुहाँ वया नाराबाजी यात । न्हिनसिया नितः इलय् तक नं प्रहरी गिरफ्तार यायेगु मत्वःतू । उखुन्हु यँया कालिमाटी, न्यूरोड, डल्लु, सितापाईला, रवंग:बुँ, तोखा, सन्दरी जल, सक्व,

बौद्ध, सामाखुसी, असं, किपू थक्वा: नापं थाय् थासय् प्रदर्शन या:गु खः । अथे हे यलया थसि, जल, थेच्व, वादेगां, थैव, लगंख्यः, सातदोवाटो, ख्वना, बुंग लगायतया थासय् प्रदर्शन या:गु खः । उगु हे कथं थिमि, ख्वप नापं थाय् थासय् तकं प्रदर्शन या:गु खः । पौष २० गते बुधवा: किपूली नं ज्यापु महागुथि किपू नगर समितिया ग्वसालय स्वनिगः बन्दया भवलय् लँ पना: जुलुस पिकायेगु तयारी यानाच्वंगु खः । किराना पसः, तरकारी पसः फाट्टफुट्ट चायेकेगु सुरु जुल ।

ज्यापु महागुथि किपूया नायो नजरराम महर्जनं वयक:पिन्त पसः मचायेकेत इनाप यात । छुकिया निंति बन्द जिमिसं मसिउ धाल । राज्य गैरन्यायीक रुपं स्वनिगःया आदिवासी नेवा:तयत सुनियोजित ढंगं हे विस्थापित यायेगु योजना कथं हे सतक विस्तारया नामय् जनताया जग्गा कब्जा यायेगु ज्या यानाच्वंगु दु । उकिया विरोधय सतक पिडितपिन्सं स्वनिगः बन्दया आह्वान या:गु खः धका: थुइका: च्वन ।

उगु हे इलय् निगः स्वंगः मोटर साईकल वल । इमिसं नं वहे न्ह्यसः थन ।

अले नजरराम महर्जनं स्वनिगः बन्द छाया ? धका: च्वयातःगु पोस्तर थःगु छाती तिका: का ब्वनादिसं धका: ब्वंकाच्वंगु इलय् अन पुलिसत वया नजरराम महर्जनयात ज्वन । पर्चा छाया पिकयागु ? थ्व पर्चा पिकाय दइमखु धाल । छाया मदइ धका: अन तचकं कच कच जुल । नजरराम महर्जनयात पुलिसं ज्वनां यंकल । अन मनूत भुवल । चाले धुकूगु पसःत नं धमाधम तिनां यंकल ।

नजरराम महर्जनं धा:कथं न्हापां प्रहरी बृत किपुली यंकल । अन छुं ई तथा महेन्द्र पुलिस क्लवय् यंकल । थुखे किपुली स्वतःस्फुर्त रुपं जुलुस पिदन । प्रहरी बृत घेराउ यात ।

गुगु दवावं याना: महेन्द्र पुलिस क्लव यंकूगु निधौ जा:बलय् वयक:यात छें छवयेगु आदेश वःगु दु धका: छें छवयाहल । अथे थीथी थासं ज्वःपिनत बहनी त्वःताहःगु खः ।

नेवा: ग्वाहाली पुचः नेपा:या विज्ञप्ती

उपत्यका सडक विस्तार पिडित संघर्ष समिति आह्वान यागु स्वनीग बन्दया ज्याभवः तालकित बन्दया न्हिखुनु नेवा: ग्वाहाली पुचः नेपा: पाखे जुलुस व कोण सभा तयागु जुल । थुकि वोति कयादीपी थिथि खल पुचः व जनसमुदाययात् नेवा: ग्वाहाली पुचः नेपा: पाखे दुनगलनिसे सुभाय देछाना च्वना ।

नेवा: तयगु हकहित सम्रक्षणया लागि नेवा: प्रदेश मागु ख । नेवा: प्रदेश मवतले भि नेवा:तयत यक्व समस्या वइच्वनी त्यनी समस्या या समाधान नेवा: प्रदेश जक छगु विकल्प ख । भि नेवा: त सकले छप्पं छधि जुया न्हावनेमागु दु । नेवा: हक हितया लागि जुइगु ज्याभवःलय् लिपा लिपा न छिर्कापनिगु तिब दै धईगु भलसा कया च्वना । नाप नाप स्वनिगा: वासीपिन्त अभिवादन नाप सुभाय देछाना ।

रविन्द्र श्रेष्ठ, कजि नेवा: ग्वाहालि पुचः नेपा

नेवा: पत्रकार राष्ट्रिय दबूया आपत्ति

नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूया केन्द्रीय नायः श्रीकृष्ण महर्जनं वंगु २० गते विज्ञप्ति पिथना पत्रकारतयत गिरफ्तार या:गुलिं आपत्ति प्वंकूगु दु । उपत्यकाव्यापी पीडित संघर्ष समिति आह्वान या:गु बन्दया दिनय् बुधवा: नेवा: पत्रकार राष्ट्रिय दबूया न्वकू नेपालभाषा टाइम्स नापं मेट्रो एफया पत्रकार उदेन न्हूसायमि, नेवा: पत्रकार राष्ट्रिय दबूया दांभरी नापं लहना वा:पतिइ आबद्ध सुरेन्द्रभक्त श्रेष्ठ, दबूया केन्द्रीय दुजः नापं ज्वजलपा वा:पौ व कीर्तिपुर सन्देश वा:पौया पत्रकार नजरराम महर्जन, केन्द्रीय दुजः नापं तिकिभ्या: वा:पौ नापं उपत्यका एफ एमया पत्रकार विगेन तुलाधरयात गिरफ्तार या:गुलिं आपत्ति प्वंकूगु खः । वयक:पिन्त उखुन्हु हे बहनी रिहा या:गु खः ।



नेवा: पत्रकार राष्ट्रिय दबूपाखें जनजाति महासंघया नेतृत्वयात सम्मान

आ: वइगु संविधान आदिवासी जनजातिया हितय् मजुल धा:सा व देय्या निंति हे हित जुइमखु धइगु दावी नेपाल आदिवासी जनजाति महासंघया अध्यक्ष जगतबहादुर बरामं दावी यानादीगु दु ।

संविधान संशोधनया विरोध यानाच्वंगु राजनीतिक दलयात संसद चाय्केत नं वयकल इनाप यानादिल ।

नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूनं महासंघया नवनिर्वाचित ज्यासना पुचःयात भिन्तुना विइत ग्वसाग्वःगु ज्याभवलय् अध्यक्ष बरामं राज्य भाषिक, धार्मिक, सांस्कृतिक, जातीय, राजनीतिक रुपय् विभेद यानाच्वंगु दु धयादिल ।

न्हापा राज्य या:गु सम्झौता अक्षरस पालना यायेमा:गु नापं ११ प्रदेश जुइमा:गु माग नापं यानादीगु दु । उगु ज्याभवलय् लसकुस न्वचु तसें दबूया न्वकू सुरजवीर बज्राचार्य आदिवासी जनजाति अधिकार स्थापित यायेत महासंघ न्ह्यामवंगु धासें थुकिंयाना आ:या ज्यासना पुचःप्रति ब्वलंगु आशांका छगु चुनौतीया रुपय् दुगु धयादिल ।

दबूया अध्यक्ष श्रीकृष्ण महर्जनं अधिकार स्थापित यायेगु संघर्षय् महासंघया सक्रियतां संविधान परिमार्जन व अधिकार स्थापित यायेगु संभवजुइ धासें थ्व अभियानय् नेवा: समुदायनं साथ विइगु धयादिल । ज्याभवलय् महासंघया नवनिर्वाचित पदाधिकारीपिन्त नेवा: परम्परा अनुसार ख्यें, वः, न्या सगं विया: भिन्तुना वियादिल । दबूया महासचिव सुनील महर्जनं न्ह्याकूगु उगु ज्याभवलय् ललितपुर शाखाया अध्यक्ष सुरज व्यञ्जनकारं सुभाय देछाना दीगु खः ।



“भीगु तिसा, कासा व भव्यघासा” सफू पित ब्वज्या

खाल्चाय् जायेक
गजल



सफूयात कया: मुंज्या नाय: भाजु प्रा. सुवर्ण शाक्यजुं समीक्षा यानादिल। अथे हे पाहां भाजु इतिहासविद् हर्षमुनि शाक्यजुं उगु सफूयात कया: न्ववायेगु भवलय् सदैव च्वनाच्वनावलय् जुजुया बुन्हिलय् नेपा: पाखें न्यायेकीगु भवजय् नेवा: नसा दयेका नकूगु खँ कनादिल। मूपाहां भाजु आधुनिक कवि पूर्ण वैद्यजुं मोतिलक्ष्मी शाक्य थम्हं ब्वंकाह दुग्यंम्ह ब्वंमि धका: नुग:खँ तयादिल। पितब्वज्या लिपा मुंज्या नाय: प्रा. सुवर्ण शाक्यजुं, मूपाहां आधुनिक कवि पूर्ण वैद्यजुं, इतिहासविद् हर्षमुनि बज्राचार्यजुं, कुत: पिकाकया कजि बिमल ताम्राकार, च्वसापासाया छयाञ्जे साहित्यकार भाजु भूषणप्रसाद श्रेष्ठ, ज्याभव: न्त्याकामि मयजुं शशिकला मानन्धर पितं पितब्वज्या जूगु सफू व चिभा: मतिला चिं कथं च्वमि मयजुं मोतिलक्ष्मी शाक्यजुं लःल्लानादिल। वया लिपा भि(१०)गू मिनेट दिपा: कया: पितब्वज्या जूगु सफू मिडगु ज्या जुल। दकले लिपा च्वमि मयजुं मोतिलक्ष्मी शाक्यजुं थःगु सफूयात कया: थःगु नुग: तया: ब्वति कया: दिईपिं सकसितं सुभाय् चछाना ज्याभव: क्वचायेकादिल।



किशोर धुस:

यलय् बुझ्छ:या जात्रा धाल जिलार्जिपं नाप खँ सयेका खाल्चाय् जायेक गजल।

यँला या यन्था: नख: धाल धाल्चा व सम्यबजि न्त्य:ने तया कँय् बार्चाय् जायेक गजल।

निभा: जल्ल थिइक म्व:नी बल न:ला स्वाँ छुनां भुतमालि ब्वयेका गिलासय् जायेक गजल।

गुलिचाँ मदुवों स्वन्ति नख: धाई किजापुजाया तता पिन्थाय् वना खाल्चाय् जायेक गजल ॥

ने.सं. ११३७ पोहेलाश्व दशमि (२०७३ पौष २३) शनिवा: कुन्हु च्वसापासा, कुलाभुलु, यँय वाखँमि मयजुं मोतिलक्ष्मी शाक्यजुया ‘भीगु तिसा, कासा व भव्यघासा’ पितब्वज्या जुल।

शशिकला मानन्धर न्त्याकादीगु उगु मुंज्याया सभानाय: प्रा. सुवर्ण शाक्य, मूपाहां आधुनिक कवि पूर्ण वैद्य, इतिहासविद् हर्षमुनि बज्राचार्य व वाखँमि मयजुं मोतिलक्ष्मी शाक्य

प्यम्हसिनं मंका: कथं सफू पितब्वज्या यानादीगु ख:। उगु मुंज्याय् कुत: पिकाकया कजि भाजु बिमल ताम्राकार जुं सकसितं लसकुस यानादिइगु ख:। ‘भीगु तिसा, कासा व भव्यघासा’

नक्सालय् सतकय् हे ह्व:गना मनूत अजूचाल

यँया नक्साल लँय् हे तःधंगु ह्व: खने दयेवं थौकन्हय् समाजिक सञ्जालय् चर्चाया विषय जुया बिउगु दु। नक्साल भगवतीवहाल देग: लागया मू सतकय् हे अथे ह्व: गना वनेवं छगू कथं मनूत ग्याना जूगु अवस्था दु।

गुलिं गुलिसिनं ला स्वनिगलय् तःधंगु समस्या वयेफु धका: तर्कं धयाह:गु दु। अथे सतकय् हे ह्व:गना वंगुया कारण छु ख: धका: सीकेफुगु अवस्था धा:सा मदुनि। आइतवा: सुथय् अथे ह्व: गनाच्वंगु अवस्था खने दुगु ख:। गुलि गुलिसिनं भगवती वहालया मु सतक लिक्क दयेकाच्वंगु होटलया जगया नितिं यक्व गा:म्हगुलिं जर्क अथे ह्व: गना वंगु मखुला धका: न्हयस: तर्कं तयाह:गु दु। दुई लेनया उगु सतकय् छेयेया ब्व पुरा हे भासेजुया सतक तर्कं अवरुद्ध जूगु दु। उगु सतक वये वनेगु ज्या तर्कं बन्द जूगु दु।



तपाईको टोलमा भएका घटना कीर्तिपुरको समाचार बनाउने हो भने तपाई एक कल फोन गर्नुस् हामी तपाईको टोलको समाचार कीर्तिपुरको समाचार बनाईदिनेछौं

कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्वंगु कीर्तिपुर सन्देश वा:पौ व ज्वज्वलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखँ/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८०८६२६४२० ई-मेल : kirtipur_sandesh@live.com

अन्धविश्वासय् लिकुनाच्चंगु विज्ञान सगं कायेबलय् धौ तीमा:



पन्नारत्न महर्जन

नेवा: समाजय् थीथी कथं संस्कृतित दु अले थ:गु कथं धारणा दयेका वयाच्चंगु खने दु। संस्कृतिइ विविधता दुपि नेवा: समाज दुने थथे याये मत्य: अथे याये मत्य धका: थीथी कथंया अन्धविश्वास ल्यनाच्चंगु दु। अज्व:गु कथंया अन्धविश्वास दुने वास्तवय् विज्ञान सुलाच्चंगु दु धका: पन्नारत्न महर्जनं क्यनादीगु दु। वयकलं नेवा: समाज नाप स्वाका अन्धविश्वासरय् लिकुनाच्चंगु विज्ञान नांगु सफू तकं चवयादीगु ख:। व हे सफूपाखें निरन्तर रुपं न्हयव्वया वयाच्चंगु ख: - सं.

भनीगु धार्मिक व सामाजिक परंपरा कथं छुं नं भिज्या याना: सगं कायेबलय् बाय् पुजा क्वचायेका: सिन्ह: तीबलय् धौ नं तिकीगु चलन दु। थज्यागु चलन कथं धौ तिकिबलय कपालय् मतिकुसे न्हकुइ तिकेगु याइ। थ्वया लागि पुजा यायेत हे धौ ग्व: बाय् धौपतिखय् धौ तया: पुजा ज्वलं नापं तयेगु याइ।

सिन्ह: तिकीगु परंपरा कथं धौ तिकी बलय् नं कपालय् हे तिके मा:गु ख:। अयुं थ्व तिकी बलय् न्हकुइ तिकी। थज्यागु परंपरा छाय् व गथे जुया: यानातल थ्व छगू बिचा: यायेमा:गु खं ख:। भनीगु शरिरय् निरन्तर रुपं न्हयावलें ज्या यानाच्चने मा:गु

अंग मध्ये न्ह्यपु नं छगू ख:। शरिर विज्ञान कथं चेतनाया धुकू हे न्ह्यपु ख:। थुकिं बांलाक ज्यायाये फ:सा व मनू बांलाइ, बांलाक याये मफुसा बांलाइ मखु। ज्या बांलाक याये मफइ बलय् न्ह्यपु क्वात धायेगु चलन दु। थज्याबलय् न्ह्यपु निं ख्वाउँकि धायेगु या:। न्ह्यपुं बांलाक ज्यायाये मफुत कि वय्, उईं जुइ। उके थ्वयात न्हयावलें तन्दुरुस्ति जुइका: तयातये मा:।

न्ह्यपु व न्हकुया तप्यंका स्वापू दयाच्चनी। थ्व खं भीसं यानावया च्वनागु सामाजिक व्यवहारं क्यं। सुयात सुं खना: तं वइ बलय् न्हकु हे मंक दया बी धायेगु या:। थथे धायेगु धयागु तया पराकास्ता कथं न्हयव्वया त:गु ख:। न्हकुइ दयेगु धयागु तसकं कसा बीगु कथं कयात:गु ख:। न्हकुइ असर लात धायेवं न्ह्यपुयात नं असर जुइ धयागु मनसायं थथे धायेगु यानात:गु ख:।

तान्व:गु बखतय् तुसि नयेबलय् च्वा छकूचा सालुक ताना: न्हकुइ तीगु चलन दु। थथे यायेबलय् ख्वाउँसे महसुस जुया: छयं याउँसे च्वना: म्ह हे आनन्द जूथें जुइ। न्हकु व न्ह्यपुया स्वापुतिं याना: हे थथे जुइगु ख:। एकुपंचर याना: ल्वय् लंकेथें हे ख:।

धौ न्हयावलें ख्वाउँसे च्वनाच्चनीगु पदार्थ ख:। थ्वयात निभालय् पा:सां मेमेगु चीज थें यक्व क्वाइ मखु। क्वाना हे च्वसां थुकी दइगु ख्वाउँगु पन ल्यनाच्चनी

। निभालय् लानाच्चंगु धौ तिउसां ख्वाउँगु महसुस जुइ।

आयुर्वेदिक सिद्धान्त कथं धौ पञ्चामृत मध्ये छगू अमृत ख:। छुं नं कथंया बांला:गु लिच्व: विइगुयात हे अमृत धाइगु ख:। धली नं थज्यागु गुण दु। थ्वयात सहि धंगं छयले फत धा:सा थ्व गबलें बांमला:गु लिच्व: लाकीमखु।

यक्व छयले मा:गु अंग याकनं न्यली। तर न्ह्यपु थज्यागु अंग मखु। थ्व गुलि छयल उलि परिपक्व जुयावइ। अयुं नं लगातार छयलेबलय् गबलें गबलें थ्व नं न्यले य:। न्ह्यपु न्यलीगु धयागु बिचा: यायेगुली सिथिलता जुइगु ख:। थथे जुइ बलय् भासु लंके बिचा: सिचुक तयातये मा:।

न्ह्यपु थबले न्यली अबलय् न्यली धका: धायेफइमखु। गबलें गबलें यक्व छयले मा:सां मन्यले य:सा गबलें गबलें भचा जक छयले बलय् नं न्यले य: गबले न्यल अबलय् काचाक सिचुक तयेफइ धयागु मदये य:। ल्वय् जुइका: वास: यायेगु सिक्कं ल्वय् हे मज्जीकेगु बुद्धिमानि ख:। थज्यागु खंयात मनन याना: भनीगु सामाजिक परंपरा न्ह्याकात:गु दु। परंपरा व मान्यता कथं इलय् व्यलय् सगं कायेगु व पुजा आज्ञा यायेगु यानाच्चनी। थज्यागु औसर लाका: इलय् व्यलय् धौ तीगु याना: बेला बखतय् न्ह्यपुयात सिचुकेगु औसर कथं कपालय् मतिकुसे न्हकुइ धौ तिकेगु यानात:गु ख:।

बुद्ध सायमिया भिंस्वन्हुया पुण्यतिथिसं न्यागु संस्थां मंका: बिचा: मुँज्या यात



नेपालभाषा साहित्य ख्व:या विद्रोही कविकथं नांजा:म्ह नापं नेपा: राष्ट्रिय पार्टीया संस्थापक मध्ये छम्ह अले पुलांम्ह सभासद बुद्ध सायमिया लुमन्तिइ पोहेलाथ्व अस्तमि शुक्रवा: न्यागु खल:पुच:तसें मंका: बिचा: मुँज्या यात।

मदुम्ह कवि बुद्ध सायमिया भिंस्वन्हुया तिथि लाका: यँया खुसिबुई च्वंगु नेपा: ब्याङ्केटय् नेपालभाषा एकेडेमी, च्वासापासा, नेवा: देय् गुथि नेपालमण्डप, नेपाल संवत् न्हूदँ समारोह समिति व नेपा: राष्ट्रिय पार्टी छगू हे दबुली मंका: बिचा: मुँज्या या:गु ख:। नेपालभाषा एकेडेमीया चान्सलर चित्तरञ्जन नेपालीया सभानायोसुइ जूगु उगु मुँज्या शरद कसा: नं न्ह्याकादीगु ख:। मदुम्ह बुद्ध सायमिया किपातय् स्वांमा: क्वखायेका, खादां न्ययका व स्वां देछाना: छगू मिनेट मौन धारणा याना श्रद्धाञ्जली देछा:गु ख:।

उगु मुँज्याय् नेपा: राष्ट्रिय पार्टीया कार्यवाहक नायो सुवर्ण केशरी, नेवा: देय्गुथि नेपालमण्डलया नायो विजय रत्न बज्राचार्य, नेपाल सम्बत न्हूदँ समारोह समिति या कजि भिमसेन दास प्रधान, च्वासापासाया नायो पदमरत्न तुलाधर, नेपालभाषा एकेडेमीया



चान्सलर चित्तरञ्जन नेपाली बुद्ध सायमिया बारे थ:थ:गु नुग:खँ च्वाकादीगु ख:। अथेहे नेपा: राष्ट्रिय पार्टी नं परोपकार हाई स्कूलय् ने.रा.पाया कार्यवाहक नायो सुवर्ण केशरी चित्रकारया नायोसुई बिचा:मुँज्या या:गु दु। पार्टीया प्रवक्ता कृष्ण हरि महर्जनं न्ह्याका दीगु ख:सा उगु ज्याभवलय् थ:गु न्वचु व बिचा: हायेका दीपिं ख: १. डा. विजय सैजु (मुख्यान्जे, ने.रा.पा) २. डा. रमेश बहादुर श्रेष्ठ -वरिष्ठ नोक्, ने.रा.पा, ३.भानु राम थारु-अध्यक्ष, थरुहट तराई पार्टी, नेपाल, ४. ना क्षिरिङ्ग, सामाजिक लोकतान्त्रिक पार्टी, ५. तामांग श्री बुद्धराज श्यांगतान - अध्यक्ष, आदिवासी जनजाति पार्टी, ६. श्रीमती रुक्मणि चौधरी -सभासद, संधिय लोकतान्त्रिक मंच (थरुहट), ७. प्रेम बहादुर खाती -संयोजक, खसान राष्ट्रिय संघर्ष समिति, ८. राज भाई ज.क.मी-लोक कवि, ९. डा.दुर्गा लाल श्रेष्ठ- बुद्धिजीवी १०. पी.यल. सिंह- पुर्व मेयर, ११.राजेन्द्र श्रेष्ठ-महा सचिव, संधिय समाजवादी फोरम नेपाल, १२. सुवर्ण केशरी चित्रकार- कार्यवाहक नायो नेपा: राष्ट्रिय पार्टी

नेपाल रेडक्रस सोसाइटी कीर्तिपुर शाखाको सूचना

यस नेपाल रेडक्रस सोसाइटी कीर्तिपुर उपशाखाको १०औं उपशाखा सभा तपसिल बमोजिमको मिति, स्थान तथा समयमा हुन गईरहेको हुँदा यस उपशाखाका सम्पूर्ण साधारण सदस्य, आजीवन सदस्य, यशस्कर सदस्य लगायतका सम्पूर्ण रेडक्रस प्रेमीहरूमा यसै सूचना मार्फत उक्त सभामा सहभागी भईदिनहुन हार्दिक आमन्त्रण गरिन्छ।

तपसिल

मिति : २०७३ माघ १५ गते, शनिबार

स्थान : कृष्ण क्याटरिङ्ग, नयाँबजार


समय :विहान ८:०० बजे

सम्पर्क : राजेन्द्र बाँनिया (सभापति) -९८५१००५१९४

सन्तोष महर्जन (कार्यवाहक सचिव) -९८४१७९६४९६




नेपाल रेडक्रस सोसाइटी
कीर्तिपुर शाखा
कीर्तिपुर



पांगाया
विष्णुदेवी
बालकुमारी जात्रा

बजारय् वये
धुंकूगु दु
थ:गु प्रति
सुरक्षित
यानादिसँ

स्वापू नितिं मेमेगु फोन
नम्बर: ४३३४०९३,
९८४१७५२५८३,
९८४६०४६९२३९



दक्षिण पश्चिम
लागाया
बखुमद: जात्रा
न्हय्गां जात्रा

ॐ नमो दुर्गाति परिशोधन राजाय तथागतया अर्हन्ते सम्यक सम्बुद्धाय तद्यथा ॐ शोधने शोधने विशोधने सर्वपाप विशोधने शुद्धे विशुद्धे दिवंगत चक्रवर्ति महर्जन सर्वकर्मावरण विशोधने स्वाहा: ॥



बुन्हि बि.सं.
१९९६



स्व.चक्र (माया)बर्ति महर्जन

मदुगु : २०७३
मंसिर ९ बिहिवा:



जिम्ह तिरिमयजु चक्रवर्ति महर्जन वंगु ने.सं.११३७ कछलागा एकादशी (२०७३ मंसिर ९ गते) बिहिवा: कुन्हु ७७ दँया बैशय आकाभाकां मदुगु म्हिग: लत्या दुगु पूण्यतिथिसं मदुम्हेसिया आत्मां सुखावति भूवनसं बास लायेमा धका बिचा: हायेका । थुगु दु:खया इलय जिमित धैर्य यायेत तिब: बिया दिइपिं सकल थ:थिति, त्वा:या दाजुकिजा, तताकेहँ व पासापिन्त दुनुगलनिसें सुभाय् देछानागु जुल ।

जहान: पानबहादुर महर्जन

काय/भौ :

रत्नमान महर्जन/बसुन्धरा महर्जन

छय्पिं : सजेशमान महर्जन, सुदिक्षा महर्जन

मृत्याय्/जिलाजं: रोशनी/दिपक (नरेन्द्र) महर्जन

छय्पिं : दीरौना, प्राशना, दिप्सन महर्जन

मृत्याय्/जिलाजं : पानमाया(रमा)/भगवान महर्जन

छय्पिं : अनुज महर्जन

छय्पिं/जिलाजं : डा.परिशा महर्जन/डा.इच्छा महर्जन

मृत्याय्/जिलाजं : रजनी/बद्री महर्जन

छय्पिं/जिलाजं : रबीना महर्जन/प्रबल महर्जन

छय्पिं बिबिशा, रियाज महर्जन

मृत्याय्/जिलाजं : रमिता/केदार महर्जन

छय्पिं : श्रृष्टि, सुजाना, सुनयना, कर्मा महर्जन

मृत्याय्/जिलाजं : रश्मिला/ डा.सुरेन्द्र महर्जन

सकल महर्जन ज:

सिद्धा: किपू वडा नं.४